

C O P I A

185, 3

Eines Sendschreibens /

so von dem Obristen Fürsten der HölLEN/
dem Lucifer Ermahnungsweiß abgegangen ist / an alle
und jede Ripperer vnd Wipperer / daß sie alle wollen beständig
vnd willig verbleiben / in ihrem angefangenen vnd bishero wohlersprießlichen
Handwerck der Ripper- vnd Wipperen / Raufcherey vnd Tauscherey / Scha-
cherey vnd Schrapperen / Scholderen vnd Schinderey / Wüberey vnd Dieberey /
wie mans weiter tituliren mag / Auch was ihnen endlich für ihre Mühe
vnd Arbeit immer vnd ewig solle recompensirt
werden.

Allen Kauff- vnd Handelsleuthen / Kra-
mern vnd Burgern: Handwercks- vnd Bauersleu-
then / ja männiglich zur Warnung vnd Nachrich-
tung für die Augen gestellt.

Durch
Meister Thoni Bauman.



Gedruckt zu Ulm / Durch Johann Niedern / im Jahr 1622.

S **Q** **R** Lucifer
 von Gottes Bngnaden
 (aber rechter Fürscheidung)
 Ein Fürst der Welt / Ein
 König aller Gottlosen / vnüberwindlicher
 Herz des ganzen Erdbodens / Ein Groß-
 hertzog der Finsternis / Ershertzog des Ab-
 grundts / Churfürst in Barbaria / Marg-
 graff zu Mecha vnd Arabia / Burggraff
 der Höllen / Erzbischoff aller Kotten vnd
 Secte / Hoherpriester zu Calicut / ein Vat-
 ter der Lugen / Verleher der Wahrheit / ein
 Stifter alles Vbels / Beförderer aller
 Verderbnis / ein Anfläger der Sünder /
 abgesagter Feind des ganzen Menschli-
 chen Geschlechts / vnd ein Widerwertiger
 Gottes vnd aller seiner Heyligen / ic.

Entbieten euch allen / vnsern Newgebornen /
 Außerkomcu / allerliebsten vnd getreuesten Freun-
 den vnd Söhnen / Juden vnd Judens genossen / Ho-



hes vnd Widerstands/wie vnd wer ihr seht/allen willigen Dienst vnd freundlichen Gruß jederzeit zu voran/rc. Freundliche/ liebe/ ja allerliebste/ gehorsame/ glürnige/ außgestochene/ abgefembte/ durchtriebene/ wolgeübte/ vnvertröfne/ wohl vnd hochgeehrte/ allzeit willig gefliffene/ embsige/ häußliche/ hochansehenlich/ aber nuhn mehr aller Welt bekandte/ benandte/ beschiffene/ betrogne/ verlogne/ ver stolne/ meinydige/ von etwerm Gott abgefallene/ Gewissenlose/ Gottesvergessene/ höllisch/ henckermäßige/ vngעהenckte/ verstockte/ halßstarrige/ vnverschembte Schandbuben vnd Mammons knecht/ bey vnser Ehlofer/ höllischer Bruehhaber/ getrewe vnd wolgerathene/ Erzdiebische Ripperer/ Wipperer/ Schauderer/ Kauderer/ Schächerer/ Scholderer/ Mauscher. vñ Tauscher/ Auffsstecher/ Mängbrecher/ vnd Zalerwäscher/ Zungentrescher: Kistenfrieler/ Truchenspieler/ Silberschaber/ Schächerhaber/ vnd vieler andern dergleichen guten Tugenten mehr vndergebne/ die ihr alle vnsern geneigten willen vollbringet/ daran ihr vns ein groß gefallen thut/ dessen ihr dann auch wider ewig bey vns im gutem bedacht sein solt. Wir köndten nicht vnderlassen euch zuschreiben vnd zuvermahnen/ die weil ihr von diesem etwerm löblichen Handwerck der Ripperen/ so grossen nutz habt: Dann einmahl habt ihr das Geld vnd ewer Haus wohlbestellt/ eusserlichem Schein nach

trach/ Summa Summarum/ ihr seyd vnser bester vnd letzte/ die ärgste vnd klügste Gottes vergessne Erzdiebische Heler vnd Stehler/ so jemals haben gefunden werden mögen/ wie ihr dann dessen/ von allen Ganklen benandt/ verbannt vnd außgeruffen werdet: Aber es ligt nichts daran/ dörfte euch das nicht irren lassen/ lasset die Pfaffen nur schreyen/ daß ihnen die Halskrachen/ sie dörfen euch danoch nicht schlagen/ vñ es auch nit allzugrob machen/ noch einmal sagen wir/ lehret euch nicht daran/ wir wöllen bey euch sein bey Tag vnd Nacht/ euch fleissig helfen vnd rathen. Zu dem/ so habt ihr einen starcken Arm vnd Rücken/ nemlich das brachium seculare, das ist/ vil stätliche vnd hohe Ampt Personen vnd Herrn/ ja grosse Herren/ auff die man sehen muß/ welche es zwar wehren solten/ aber auß lauterem Geitz/ auß vnsern Eingeben vnd Verbündtnuß/ ganz verstockter Weiß jetzt selbst treiben gestatten/ vergunnen vnd darzuhelffen.

Nach dem wir nuhn von vnsern den lieben vnd getrewen/ als Edlen vñ Gestrengen Zunker Wolff von Ripperg/ Laur von Wipperheim/ Mausehausen/ vnd Scholderberg/ Fuchs von Greiffhart vnd Hebest/ wie auch dem Wol Edlen Herrn vnd Bruder von Schacherheim vnd Mängberg/ als Herrn vnd Rittern vnser Höllischen Reichs mit grossen Freuden vnd frolocken vernommen: Wohin es end-

lichen durch ewer geßiffene/vnvertroßne vnd darneben so wohl bekandte Dienst / die Sachen mit der Mäuscheren vnd Ripperen kommen / an dem ihz so lang gewinschter Zeit: Aber mit Fier vnd Strang/verbottener Geltverfälschung/mit laufen vnd rennen/mit reuten vnd fahren/mit schicken vnd flicken/mit auffstechen vnd Enlberbrechen/mit Gschmeid abschneiden/mit Pseßing verfahren/drey vnd Sechßbätzner schmieren/ so weit gebracht habt/ daß wir nun mehr versichert / daß ihz hie von schwerlich werd lassen/darumb daß die Geltsteigerung gar nicht fallen wirdt / dardurch dann alle Land ruinirt, vnd verderbt/vnd dem von ons verfluchten Teutschland so bald nit mehr kan (auß Gottes verhengnuß) ons aber wolgefälligen vnerräglichen Krieg/nicht verherget vnd verderbt / verwäst / verbrent vnd zertrent ist worden / daß wirdt doch durch ewer Erzbischofische Schinderen/Schacheren/Mäuscheren vnd Tauscheren vollends verderbt vnd außgesogen/ Also gar/daß sich außser ewer Zunfftgenossen/kein ehlicher vnd redlicher Mann mehr wol ernehren vnd erhalten kan. Demnach welches das fürnembste ist/ so thun sich fromme vñ einfeltige Leuth / wegen Einführung / ewers gesottenen/ verbottnen / geserbten/ vrrderbten / vbelsumirten vnd lunnirten bösen Gelts / auß vngedult dermassen verfluchen vnd verschwören / Gott ihren HERN höchlich erzürnen dar

durch

dardurch dann vnser höllisch Reich dappfer gemehret wirdt / die weil sich die Menschen an Gott vnd ihrem Nechsten/so hoch versündigen vnd vergreifen / welches ons aber ein Herzliebende grosse Fretod ist/sonderlich aber weil solche ewere würdige vnd denckwürdige in ewigkeit vnvergessene Scholderen vnd Schrapperey / meistens theils bey den fürnembsten Landen vnd Leuthen vngeschuecht getrieben / schleinig vnd wohl von statten gehet / darzu von solchen Gefellen/die viel mehr für ehliche vnd redliche Biderleuth/als für solche Land vnd Leuths verderblichen Erzbuben wollen angesehen sein / vnd bis dato erhalten worden ist / für welchen man bishero die Hüt gerucket / vnd die Ante gebeuget / vnd sie formen nu auff Polster gesetzt hat. Der ehlichen Matrosen zugeschweigen/so weidlich auch zur Sachen geholffen/mit Milch/Ayer vnd Käß/Geld vnd anderer Einlosung des kleinen gute Gelts/als vñ Wein/Bier vñ Brot/vñ anderer Zugenuß/wie die Düncsen zusammen gerapfft/versteckt/vermauscht/verkipert / vnd nicht mehr haben an Tag kommen lassen. Weil dann nun solche Ripperen vnd Wipperen von obgemelten Leuten/darzu von lauter Christen (darfür sie wöllen gehalten sein) getrieben wirdt/so werden sich die vngetauffte Juden vnd andere vnglaubige Völcker/daran zum höchstē ärgern/vñ in ihrem Aberglauben beharlich fortfahren (als welche an

ihrem

ihren Brüdern vnd Glaubensgenossen nicht also schinden vnd schaben) vnd sagen/das seind der Christen Fruchte / wir Juden haben das ehliche Handwerck / weil man vns kein anders treiben leß / biß dato allein zu dem Ende getrieben / daß wir vnser Weib vnd Kinder vnd vnser Glaubensgenossen ernehren vnd erhalten / vnd der Obigkeit den vnerträglichen Tribut vñ Zins geben können: Die Christen aber / bringen dardurch ihre eigene Glaubensgenossen vmb das ihrige / vnd in höchste Armut / vnd was sie rauben vnd stehlen mit kippern / daß behalten sie allein für sich vnd die ihrige: dardurch beharren sie in ihrem vnbusfertigen Leben vnd Vnglauben / vnd fahren vns also mit Leib vnd Seel fein warm zu / vnd bringen andere mit sich / welches das aller ärgste vns aber das wolgefelligste ist / so auß Ripperen entspringen thut. Zudem / so habt ihr / durch ewern vnverdroßnen Dienst / die Sach so weit gebracht / daß nicht allein alles gute Gelt verschwindet vnd auß dem Lande kommet / sondern durch ewer Wipperen ein solche vnverschene vnd vnverdenckliche / ja vnerhörte Thewrung / in ganz Teutschland vnd andere Länder eingefallen / darinnen viel Menschen an Gott verzagen vnd verzweifflen / sich selbst oder die ihrige erstechen / erhencken vnd ertrencken / darzu dan auch vnser wolansehlige vnd dapffere Korn Juden reichlich helffen / vnd das beste thun / derowegen sie dann

auch

auch in dieser Diebszunft incorporirt, vnd billich oben angeßet werden.

Was nun in ganz Teutschland für vnaußsprechlich Noth (vns zur höchsten / wolgefälligsten Freuden) auß ewern Erzdiebischen Handwerck entstanden / wirdt der Ausgang zeigen / daß von vielen Orten / die Seelen hauftenweiß von Ripperer vñ Wipperer zu vns kommen werden / welches Vmbstand nit zu erzehlen noth ist / solches alles aber die Erzkipperer / so in hohen / ja höchsten Commando sitzen / vns ganz nutzlich verriethen / dessen sie erst / nach ihrem ableiben bey vns in der Hölle sollen belohnet vñ ergötzet werde. Derohalbe D ihr Ripperer vñ Wipperer alle Hoch vñ Widerstands / Mann vñ Weib / ja Geistlich vnd Wellich / sehet nur fleissig für / daß ihr hie rinnen nichts verfaumet / vnd das jetzige Münzwesen nicht verbessert: Sondern täglich nur ärger macht / Gott geb man schrey vnd schreib / klag vnd sag / trucke vnd predige darwider was man wölle / vnd thut / als wenn es euch nicht angienge / Solches alles solle euch bey vns in der höllischen Flammen / da wir auch euch eine schöne Münzstatt bereiten wöllen / wol belohnet werden / vnd ihr auch ewig bey vns wohnen vnd Dienst haben solt.

In Summa es ist vnser höchste bitte an euch / daß ihr in solchem verzweifflichen Erzdiebischen wohlerrfahrenen Handwerck embßiglich wolt fortfahren / in

Ansehung das solches unwesen / zu mehruung vnseres
 ganzen höllischen Reichs der Finsternuß / gar dienst-
 lich ist / dan kein ergers / aber vns angenehmers Werck
 in der Welt nie ist auffkomen / doch wollen wir euch
 auch bey stehen / mit Hülff / Rath vnd That / so viel
 wir immer können / damit die grosse beschwerde vnd
 veränderung im Teutschland also sein fort getrieben
 vnd erhalten werde / vnd nicht mehr in den vorigen
 guten vnd alten Volstand gebracht werde / damit
 vnser Reich / darinn wir auch ewer Stell bereit / so
 zuvor nie also besetzt / kein Abgang geschehe / welchen
 Wir wir euch auffhalten / da wir dann euch auff Pö-
 ster von Schwebel vnd Bech bereit setzen wollen.
 Derowegen trachtet vñ suchet / sinnet vñ erdenket /
 allerley newe List vnd Betrug / Bescheifferey vnd
 Finantzerey / Tück vnd Griffe / ewern Nächsten nur
 tapffer zubetriegem / vnd den armen Mann gar
 zu verderben / darmit ewer wolhergebrachte Mau-
 scherey vnd ruhmwürdiges Lob bey vns / vnd der
 Welt noch mehr angenehm werde vnd nicht in Ab-
 fall komme / diß alles soll euch allen reichlich vergol-
 ten vnd in alle Ewigkeit nimmer vergessen werden /
 welches wir euch schweren alles fest vnd steiff zuhal-
 ten in alle Ewigkeit.

Weiter auff dißmaln wissen wir euch nichts mehr
 zuschreiben / dann daß ihr / wie obgemelt / inn ewerm
 Diebischen vnd Landtsverderblichen vorhaben be-
 harlich

harlich fortfahret / ewern Gott verschweren / hünd in
 setzet / vnd also sein Gnad verscherzet / so habt ihr des-
 sen bey dem ganzen Höllischen Reich ein grosses Lob
 vnd Ehr / dan bißher ewers gleichen in der Höll noch
 nie gewesen / noch gefunden worden / Fahret deroweg
 fleissig also fort vnd höret nicht auff / biß vnser Legat
 Belial zu euch gesandt kommen wirdt / vnd euch die
 Hülß abtrehet / auch zu vns in das höllisch schwebel-
 brennende Bad vnd Mänckstatt fahrt / welches / so ihr
 also beständig verbleibet / in kurzer mit allem ehesten
 beschehen / vñ er zu euch abgefertigt werden solle. Es
 lassen euch auch freundlich / fleissig vñ dienstlich grieß-
 sen. Nabal der alt Herr von Nauschhausen / Judas
 der Prinz von Scholderberg vnd Verräthersburg /
 Gehali von Geißeheim vñ Ripperhausen / vnd Herr
 Nabal der jünger von Schacherheim vnd Schrap-
 perhoffen / Abitophel vñ Haman / Cain vñ Pharao
 vñ noch viel grosse Herrn / gute Gesell vñ Höllbrüder
 so auff euch mit grossem Schmerzen warten thun /
 im warmen Bad / da wir euch zubereiten siebentau-
 send Schwebelstükel / dreyhundert Rachtuglen vnd
 neun vnd neunzig Bechzelten alles zusammen ge-
 hacht vnd zu einem Pulver gemacht / mit mehrerm
 Zusatz / nach der Alchimistenkunst / auß vnserer
 höllischen Zeughammer gemehret / darmit solches
 alles für die Ripperer fleissig solte behalten / vnd
 ihnen für die grosse Nitz vnserer Mänckwerckstatt /
 daß

daß sie nicht ersticken biß sie es gewohnen / eingeben
werde / Welches sie dann lang brauchen sollen vnd
werden Datum in vnser Königlichem Burg / Mense
Septembri; Anno Domini vnserer Regierung im
Abgrund in Fünfftausent Fünffhundert vnd zwey
vnd neunkhigsten Jahren.

E. D. B.

Lucifer der Oberste vnd fürnehmste:
Fürst vnd Regent der Höllen/22.